

საქართველო

ISSN 0132-6015

თავისუფალი
პრესისთვის

21

გამოსვლის 56-ე წელი. (№ 1559) • თბილისი, 1979, წლის 20 კვირა

ნახ. ლ. ელისთავის



— ნახე, ჩვენმა სახუმარმა გაგვჩვენა ამ გოგოს დროს ხელფასის აღებაც დაიწყო!
— ეხუმრება, ძველებურად ველარ იპარავს!


შანი სინარულიძე,
„ნიაგის“ სპეცკორესპონდენტი.

უწესრიგობას ფრთხვი უნდა დაეჭვოს!



ბათუმის აეროპორტის უფროსის კარლო მარსიაშვილს ძა ჩაჩავას მოლოდინობა მარტო თვითმფრინავის ბილეთების განაწილებით როდი შემოიფარგლება! — მას უამრავი სხვა საქმეც აქვს! ამ საქმეებს კი საქმიანი და თავიანი გაძლოდა სჭირდება, მაგრამ, კარგა ხანია, აეროპორტის უფროსი საკუთარი თავის დაცვით არის დაკავებული. არ გვგონოთ, კარლო ჩაჩავა საფრენ ბილიკებზე ფეხბურთს თამაშობდეს, ანდა კაბინეტში ჭადრაკს უჯდეს! არა, იგი საჩივრების „თერთმეტმეტრიან დარტყმებს“ იგერიებს! „ზოგიერთ მძიმეწონოსან ძალოსანსაც გაუჭირდება ანევა ისეთი ბრალდებანი საჩივრების შეკერისა, ჩაჩავას შესახებ რომ მიიღო ნიანგმა!

ბათუმის აეროპორტში ამ სამიოდე წლის წინათაც რომ ვერ ყოფილა კარგად საქმე, ეს საქართველოს კა აჭარის საოლქო კომიტეტის პასუხიდანაც ჩანს: „...აეროპორტის კოლექტივის მუშაობისადმი ხელშეწყობის საფუძვლად განვიხილავთ, საზიანსო-სამაჟორეო საქმიანობაში დაშვებული სარიოზული დარღვევებისა და პარკოვასაპუტრული ტანდავნიების გამორჩენისათვის ბათუმის აეროპორტის უფროსს ამს.“



როსს ამს. კ. ძ. ჩაჩავას გამოცხადება სასტიკი სახვედური სააღრიცხვო ბარათში შეტანით“.

„გადის დრო და მოხსნას გადარჩენილი კ. ჩაჩავა ქვას ქვას არ ტოვებს: იბრძვის არა იმდენად საქმის გამოსწორებისათვის, არამედ — სასტიკი სახვედურის რაც შეიძლება მალე მოხსნისათვის! 1977 წლის 29 ნოემბერს აეროპორტის პირველადმა პარტიულმა ორგანიზაციამ მოუხსნა კიდევ მას სასტიკი სახვედური, რაც ჯერ დამტკიცა პარტიის საქალაქო კომიტეტმა, (1978 წლის 15 მარტს), ხოლო შემდეგ — პარტიის აჭარის საოლქო კომიტეტმა. (1978 წლის 30 ივნისს).

1978 წლის 3 აპრილს, როცა კ. ჩაჩავა მოხსნილი სახვედურის დამტკიცების მოლოდინში იყო, ქ. კომინოვში თვითმფრინავ „იაკ-40“ ით მალულად გაიგზავნა 230 კგ. ციტრუსი. უნებართვო ტვირთი მოლდავეთის დედაქალაქში დააკავეს. სწორედ ამის მსგავსი ფაქტებიდან მომდინარეობს ბათუმის აეროპორტში თვითმფრინავების გადატვირთვის შემთხვევები. ამ მაქინაციის „ავტორები“ აღმოჩნდნენ აეროპორტის მუშაკები — გ. მიქაილაძე და მ. ბარისაძე.

იმადე წლის 14 აპრილს, აეროპორტში დაუდევრობის შედეგად 6 ტონამდე ავიანავით დაიღვარა და ხანძრის გაჩენის აშკარა საშიშროება შეიქმნა!.. სამი თვის შემდეგ თვითმფრინავების ფრენის უსაფრთხოების დაცვის ნებსების დარღვევის ფაქტები გამოვლინდა! კარლო ჩაჩავა ახლა მკაცრად გააფრთხილეს. მერე ის იყო. აეროპორტში შემთხვევით დაიკარგა სარეზერვო სარელეო ელექტროსადგური! ამის თაობაზე ბათუმში ზღვა მელანი და ქალაქი დაისარჯა, მაგრამ ელექტროსადგურის ასავალ-დასავალს ვერსად მიაკვლიეს!..

მას შემდეგ არაერთხელ აღელდა შავი ზღვა, შავმა ღრუბლებმაც ბევრჯერ გადაიარეს, გამოიღვარა კიდევ, მაგრამ საჭირო დასკვნები არ დაკეთებულა!

აკი მოგახსენეთ, დასკვნებისათვის კარლო ჩაჩავას დრო აღარ რჩებოდა! დარღვევა დარღვევას მოსდევდა! ვერა და ვერ დამყარდა წესრიგი ბათუმის აეროპორტში!..

1978 წლის 14 ნოემბერს აეროპორტის უფროსმა იმსახირებდა ი. დიასამიძემ დაშანბარისხმალად გადააბარა იაკოვანაძე მ. პ. ტაპაძეს ავიაბილეთების ბლანკები (ფორმა კ-50). გადაბარება-გადმობარებაში უხეშად დაარღვიეს არსებული ინსტრუქცია, რამაც გამოიწვია 7500 მანეთის ღირებულების 25 ბლანკის დაკარგვა!

...ჩვენ სწორედ ავიაბილეთებზე ვლაპარაკობდით, როდესაც აეროპორტის უფროსის კაბინეტში ორი მამაკაცი შემოვიდა. მათი დადლილი სახეები ძალაუფლებურად იქცევა ყურადღებას. ისინი მოსკოველები აღმოჩნდნენ. ერთ მათგანს ხელში 48-გვერდიანი საერთო რვეული ეკავა. დაინტერესდით. ჯერ პიესა გვეგონა, მერე — სატელეფონო ცნობარი. მოსკოველებმა მხარე ღიმილით აგვიხსნეს, რვეულში იმ მგზავრთა გვარებია, ბათუმში, წინასწარი გაყიდვის საღაროსთან ბილეთების რიგში რომ ათენ-ალამებენო.

— მეხუთე დღეა, რაც პირველები ვწერიართ ამ სიაში, მაგრამ ასე გვითხრეს, ბილეთები სხვა სიით იყიდებაო! — დახტინეს მათ.

„იქნებ ჩვენ მივაგნოთ საიდუმლო სიას!“ — გაიფიქრეთ და გავუცხანით სსრ კავშირის სამოქალაქო ავიაციის მინისტრის ბრძანებას, სადაც გარკვევით არის ნათქვამი: რეზერვში შეიძლება დატოვებულ იქნეს თვითმფრინავის სავარკლავის მთელი ოდენობის მხოლოდ 5%.

ბათუმის აეროპორტში კი პირიქითაა: 95 % ისეთი „ჯავშანია“, ტანკითაც ვერ შეაღწევს 5% კი „თავისუფალ გაყიდვებში“, და თუ თავისუფალ ჭიდაობაში ოსტატობის კანდიდატი მაინც არა ხარ, ბილეთს ვერ აიღებ!

ვის ეხება პერსონალურად ბილეთების განაწილება? ვინ უნდა გაუწიოს ამ საქმეს ხელმძღვანელობა? — აეროპორტის უფროსმა! ამ საკითხზეც არსებობს სპეციალური ბრძანება.

აეროპორტს რომ ძალზე ბევრი მგზავრი ეტანება, ეს დღეს არავის უკვირს — სწრაფი და მოხერხებული მგზავრობა ვის არ აძლევს ხელს?! — ჰოდა, თუ მოხერხებული მგზავრობა გსურს, თვითონაც უნდა იყო მოხერხებულიო! — უთქვამს ბათუმის აეროპორტის მოლარეს, ლუდმილა რაფილჩუქს და ბილეთების მარცხენა ხელით გაყიდვამი განაფულა. — რა ვქნა, ცაცია ვარ და შეპატიებამო!

ლუდმილა-მოლარეს ციფრების დამრგვალება



ბავშვობიდანვე ჰყვარებია ამიტომაც ბათუმ-მოსკოვის თვითმფრინავის მგზავრს. ხ. აბა-სლამიძეს, 36 მანეთისა და 50 კაპიკის ნაცვლად, 50 მანეთი გადაახდებინა! აბა, მოსკოვში მიმავალ კაცს 13 მანეთისა და 50 კაპიკის დაბრუნებაში დროს ხომ არ დააკარგვინებდა?!

ბათუმის აეროპორტში ილუზიონისტებიც არაიან: გინდათ თუ არ გინდათ, უცბო თქვენს ბარგს სხვას „შეატყუებენ“. თქვენ კი ნუ გეშინიათ, ხელცარიელს არ გაგიშვებენ, სხვის ბარგს გაგატანენ! ამ საქმეში საქვეყნოდ გაითქვა სახელი აეროპორტის ცვლის უფროსმა ოლია გურგენიძემ: მან ბათუმიდან ლენინგრადში ჩაფრინებულ მგზავრებს, უკვე მოსკოვში ჩასული მგზავრების ბარბი გაატანა, მოსკოველებს კი — ლენინგრადელებს! ახლა ოლია თურმე თანავეტრებთან ხ. დიასამიძესთან და ე. აბაშიძესთან ერთად, ახალ პროექტს ამუშავებს, რომლის მიხედვით მგზავრები, მათი სურვილების საწინააღმდეგოდ, ბათუმიდან სხვადასხვა მიმართულებით გაფრინდებიან!..

მოყვანილმა ფაქტებმა რომ შორს არ გაგვარინოს, ისე ბათუმის აეროპორტში დავრჩეთ და ასაფრენად გამზადებულ თვითმფრინავს გავხედოთ! ისინი მკაცრად გვაგრძობინებენ შემდეგ: აუცილებელია, დაუყოვნებლივ დაეჭვრას ფრთები ამ გამაფრთხილებელ მრავალწინამოკვან უწესრიგობას, დაუდავროვასა და თვითნებობას!



მედიაციის და ნების ნაყვანი

საპარტიველოს სსრ მოსახლეობის საყოფაცხოვრებო მომსახურების
 მინისტრის მოადგილეს **ა. ა. ჰაბუკიანს**

დიდად კატივცემულო ამირანი!

ჩემს სამუშაო მაგიდაზე დევს თქვენი განკარგულება თბილისის ბინების შეკეთებისა და მშენებლობის სამმართველოს უფროსის მიმართ. განკარგულება ავალებს უფროსს — განიხილოს და გადაწყვიტოს თანახმად არსებული წესისა და თანაც უპასუხოს განმცხადებელს.

ჩემთვის სრულიად გაუგებარია, რას ნიშნავს ეს „არსებული წესი“! თუ არსებული წესით განმცხადებელი მასხარად უნდა აიგდოს, ვერაფერი წესი გქონიათ, ჩემო ამირანი! თუ არადა, რას ნიშნავს თქვენი რეზოლუცია? უნდა დააკაყოფილონ თუ არა განმცხადებელი? როგორი წესია თქვენდამი დაქვემდებარებულ დაწესებულებაში?

უფრო ზუსტად გაგახსენებთ: ჩემმა ერთმა ძველმა ნაცნობმა განმცხადებით მოვმართათ და დახმარება გთხოვათ, გაგეკეთებინათ მისი ბინის რემონტი თქვენთან არსებული ფასების მიხედვით. ზუსტად ისეთი თხოვნაა, მალაზიის გამგეს რომ შეეხვეწოთ: თქვენთან რომ კვერცხი ცამეტი კაპიკი ღირს, თუ შეიძლება, ის კვერცხი ცამეტ კაპიკად მოჰყიდეთ! განცხადების საფუძველზე თქვენ განკარგულება გაცეით, არსებული ფასის მაგიერ, არსებული წესი გამოეყენებინათ და თქვენი რეზოლუციის ადრესატებმა მასხარად აიგდეს განმცხადებელი. უბრალოდ, კაციც კი არ გაგზავნეს იმის გასაგებად, თუ რა იყო ბინაში გასარემონტებელი!

თქვენი უწყების მუშაკებს არც პარკეტი აღმოაჩნდათ, არც — კარი (სამშაგი ფასის გარეშე!) არც ხელოსანი... და არც — ზრდილობა, რომ ადამიანურად ეთქვათ უარი „თანახმად არსებული წესისა“!

გეფიცებით, მე თვითონ არ მესმის, რას ნიშნავს ეს „არსებული წესი“. კაცის თავიდან მოშორება?

ვიცი, შეცბუნდებით და იტყვიან: როგორ გეკადრებათ, ჩემი განკარგულების თანახმად განმცხადებლის ბინა უნდა შერემონტებულიყო!

კეთილი და პატიოსანი! მაშინ რაღას ნიშნავს თქვენი ხელქვეითების საქციელი? თქვენდამი დაუმორჩილებლობა? განა შეიძლება, სამმართველოს უფროსი მინისტრის მოადგილეს არ ემორჩილებოდეს?!

ამას თქვენი ავტორიტეტის განმტკიცების მიზნით ვამბობ, თორემ ჩემმა ძველმა ნაცნობმა ტყავი გაიძრო, ბინა თქვენი დახმარების გარეშე გაირემონტა: დღეში ასი მანეთი ხელოსანი დაუჯდა, თხუთმეტი მანეთი — კვადრატული მეტრი უბრალო პარკეტი და ასე შემდეგ. ერთი სიტყვით, არსებული წესის მიხედვით ყველაფერი გააკეთა.

თქვენი დაწესებულების სამახსოვროდ კი დაგვრჩა მხოლოდ სუფთა, თეთრ ქაღალდზე დაწერილი გაუგებარი პასუხი, გამოგზავნილი წერილის ქაღალდის გამგის (!) ვ. შანშიაშვილის მიერ. (ტექსტი ჩემთან ინახება!).

კარგად ბრძანდებოდეთ!

თქვენი ნიანგი

ხალხურ კილოზე

- მომხვეჭელს — ფული
- ჩეჩქადა,
- თავი კი — თუნდა ხისაო,
- უნარი — ფულის მოხვეჭის
- და ნიჭი — მისი თვლისაო.
- ბინა — სამსართულიანი,
- გარაჟი — ბეტონისაო,
- ორი ახალი მანქანა —
- მისი და მეუღლისაო.
- სახლში — ძვირფასი
- რემონტი,
- ავეჯი — წითელ ხისაო,
- ნაირ-ნაირი სერვიზი —
- ევროპა-აზიისაო.
- მეუღლეს — თვალმარგალიტი,
- ბეჭდები პლატინისაო,
- ტანსაცმელ-ფეხსაცმელები —
- უცხოურ-იმპორტისაო.
- მომხვეჭელს — ფული
- ყელამდე
- და ნიჭი — საქმოსნისაო,
- გული — ქვისა და თავი —
- ხის,
- მადა, სიხარბე — მგლისაო...
- ბოლოს კი — შანსი ჩაკეტილ
- საკანში მოხვედრისაო!..



კალენდარი
 თავსაშენი

სიტყვის შემოკლება ოდითგანვე მიღებულია. ასე მაგალითად: რიონჭესი რიონის ჰიდროელექტროსადგურს ნიშნავს, ხოლო ე. ი. — ესე იგის.

აბა, თუ მიხვდებით, რას ნიშნავს სმ? ვერ მიხვდით? იქნებ სთ მაინც ამოხსნათ? ვერც სთ-ს შიფრავთ? რაკი ეგრეა, თქვენ, ალბათ, ვერც პრ-ს განმიმართავთ და ისედაც შეწუხებულს, სულ დამალონებთ.

იყიდეთ ახლანახ გამოშვებული ქართული ფოტოკალენდარი 1980 წლისა, გალადურცლეთ და თქვენს წინაშე სიტყვათა შემოკლების არნახული შესაძლებლობანი გადაიშლება.

თურმე ორ ორშაბათს ნიშნავს. სმ — სამშაბათს, ოთ — ოთხშაბათს, ხთ — ხუთშაბათს, პრ — პარასკევს, და შთ (ახლა თქვენც მიხვდებით) — შაბათს.

ამ მეთოდს თუ გამოვიყენებთ, ნებისმიერ სიტყვას შევამცირებთ და ორ (ან ორზე ნაკლებ) ასოზე დავიყვანთ. მაგალითად, სრ — ხორცი იქნება, ხოლო კმ — კამეჩი.

სიტყვებს, საერთოდ ადგილის ეკონომიის მიზნით ამოკლებენ: ამ კალენდარს კი სიგანე 30 სანტიმეტრი აქვს და სიმაღლე — 45.

თუ ჩვენი ტვინის უჯრედების გავარჯიშებაზე (ცოტა ხომ უნდა გაისარჯოს!) ზრუნავდნენ ამ კალენდრის შემდგენლები, — ეს სხვა საკითხია. მადლობის მეტი რა გვეთქმის!

პროსკორია
 კალენდარიშვილი

ნ. ჯ. ლოლუასი



— კასო, კდგილი როგორ ქრა
მაქვს, მაგრამ ხოხ ხედავ, ქრთამჟე
რა კმბავიქა?!

საზოგი დაავადებები

ჭოკრი

ამ სე ნი თ შეპურობილს
ჭოკრიანას უწოდებენ. აქვს
მახვილი ხმენა, შხამიანი ენა,
ბოროტი სული, თეთრი პი-
რი, შავი გული. ლაპარა-
კობს ჩურჩულით, პირზე
ხელმიფარებული, რადგან
ყოველთვის ჭგონია, რომ
ვიღაც ფარულად უსმენს.

ზოგჯერ სისინებს კიდეც.


თავს ყველას კეთილისმყოფელად აჩვენებს და ყველას ძირს
უთხრის. ცდილობს, შხამი დათესოს და ნდობა აღგავოს ადა-
მიანთა შორის. აქვს უნარი, ყოველი ინფორმაცია თავის სასარ-
გებლოდ გადაამუშაოს — ე. ი. სიცრუედ სიმართლედ გაასაღოს
და სიმართლედ — სიცრუედ. იცის, რომ დეზინფორმაციას ინ-
ფექციური ხასიათი აქვს, ამიტომ პირადად ერთს, ან რამდენი-
მეს გაანდობს ხოლმე.

უყვარს პატიოსანი ხალხის ლანძღვა, რადგან იცის, რომ
უპატიოსნო ისედაც გალანძღულია. ხარობს, როცა ავი სიტყვა
მიზანს აღწევს. ამაში პოულობს არსებობის აზრს.

განკურნების საშუალებაა იძულებითი იზოლაცია.

ა. თ.

ნ. მ. აბაშიძისა



— რა ქსროლვს?
— ყანვი!

ქარელში ქარს რა გამოლევს, მაგრამ მე რომ ქარმა შამამქრა
და აქ გადმომავდო, ის სხვა იყო, კულტურულად რომ რეგმატიზმს
ეძახიან, ის გახლდათ. აქ აღრე, ჩემს საბედნიეროდ, გეოლოგებმა
დაარტყეს ბურღი, ნავთის მაგიერ ცხელი წყლის შადრევანი რომ
ამოსკდა, დამდულრულებივით გაეცალნენ და აქაურობა მე დამიტო-
ვეს. როგორც ღვინის ქარხნის ყოფილ ექსპედიტორს, ექსპედიციის
გაგრძელება არ გამჭირვებია. ჯერ ჩემს თავზე გამოვცადე ცხელი
წყლის სამკურნალო თვისებაი, მერე მივდექი და კულორტის შენე-
ბა დავიწყე. მოვზიდე ცემენტი, ბლოკი, ავიყვანე კედლები და ავა-
ყოლე ხარაჩოები. მერე ქარელის კოლმეურნეობის თავმჯდომარეს
ზევუზნდი, „საქკოლმშენიდანა“ ერთი დიდი ცისტერნა ჰქონდა ნათ-
ხოვნი, იმაზე დაფურტყით „ატკაზი“ პატრონსა, დაგვეკარგაო და
400 მანეთიც აგვაშლიძეს, იქით ხილის წვენების ქარხნის დირექ-
ცია მოვთავლეთ და იმათაც ორი დიდი ცისტერნა, ვითომდა უფარ-
გისობის გამო, ჩამონერეს და ჯართად ჩააბარეს, სინამდვილეში
კოლექტივიდან ტრაქტორ-გუნების ძველი ნაწილები მოგჩინჩხვრეთ
და ჯართად ის ჩავაბარეთ, ქარხნის ბულატურის კიდვეა ქვითა-
რი მივართვით. ცისტერნები რომ ადგილზე დავაყენე, ახლა ცხინვე-
ლში გავიქეცი და აბაზანები ჩამოვიტანე, მერე ჩემ ძმაკაც ვალი-
კოს გამოვუძახე, „კოლხოზსტროიდანა“. თან მილებიც მოვიტანე და
შეგუდექით საქმესა. წყალი ისეთი ძალით მოდიოდა, რომა თავისით
აესებდა მალლა მდგარ ცისტერნებსა, ერთში ცხელი იყო, მეორეში
ცივდებოდა, მესამე კიდევ რეზერვადა მქონდა.

ჩვენი რაიონის სანეპიდსადგურის მთავარ ექიმს ქაღალდი გამოვა-
რთვი და თბილისში ვაფრინე წყლის სინჯთან ერთადა, იქიდან
გვიპასუხეს, რომაო მაგ წყალსა აგრერიგად ნუ ეხუმრებითო, აბა-
ზანის ტემპერატურა, შიგ ჩანოლის დრო ზუსტად უნდა დაიკვათო,
თანაც კიდევაო ავადმყოფების მიღება ექიმის მეთვალყურეობის
ქვეშ უნდა ხდებოდესო. ეს მითითება შეევასრულე; ავდექი და სა-
ხალხო წინიერსიტეტში ერთნლიან დოხტურობის კურსებზე ჩავი-
რიცხე წარმოებიდან მოუწყვეტლადა, ან კი როგორ მოგწყდებოდი,
ჩემი წარმოება გამართულად მუშაობდა, ავტობუსიც დავნიშნე ქა-
რელიდანა. 30 კაპიკად მიზიდავდა ხალხსა. ხალხი კი მოდიოდა, მა-
გრამა მეტწილად ჩვენებურები იყვნენ, ამან მიმახვედრა რომა, რე-
კლამა იყო საჭირო. ჯერ ექიმები დავიხმარე და წერილი გამოვაქ-
ვეყენე რაიონულ გაზეთში. მერე კიდევა — განცხადებაი, ხალხი
მოვიპატიუე. მერე წნევის გასასინჯი აპარატიც ვიყიდე და გულისაცა,
ეთერი ხალათი ჩავიცვი, თეთრი ჩაჩი დავიხურე და ნამდვილ დოხ-
ტურს დავემგვანეი.

შინაურებმა მიჩჩიეს, ასე ყოფნა სარისკოა, ეგ შენი კერძო კულორ-
ტი ვინმეს შიაჩემო. ავდექი, შევიტანე განცხადებები და რაიადმასკო-
ნის გადაწყვეტილებით ხვედურეთის კოლმეურნეობას შევასყიდე 5361
მანეთადა. სამაგიეროდ, გვგემბიც მომცა კოლმეურნეობის გამგეობა-
მა და შტატებიც დამიმტკიცა. მე აბანოს გამგე-ექიმი ვარ და 70
მანეთი ხელფასი მაქ, ეთერაი (გვარი არ ვიცი) დამლაგებლადა მყავს,
შავერდა კიდევა — ყარაულადა, თითოს სამი თუმანი აქვს დანიშნული
ჯამაგიერად, მაგრამ რაც ჩვენი დაწესებულება არსებობს, ხელფასი
არც ერთს არ მივვილია. შინაურულადა ვრიგდებით. ბოლო ხანებში
ეთერას ველარ მოვურიგდი, დაადო თავი და წავიდა. ან კი რა სა-
ჭირო იყო, ცხელწყლიან აბაზანას რაღა გარეცხვა უნდა? ვინც ძა-
ლიან პენენიკაა, თვითონ გარეცხოს. აუშმაც დამწუხრებული ჯერ არა-
ვინ მიჩახავს. მოდიან და მოაქვთ ტკიცინა მანეთიანები, კოლექტი-
ვის წევრებზე ათი შაურია დაწესებული და ზოგჯერ ისინი მიკოჭ-
ლებენ თანხასა. სხვა ყველაფერი წესრიგშია. ზოგჯერ ქვითარსაც
ვწერ, მაგრამ იმდენს არა, რომ გვგმა შევასრულო. დანარჩენს ვაგ-
როვებ, ეს ჩემი კულორტი უნდა შემოვლოზო და აბრაც გავუ-
კეთო. ჰო, მართლა! კაბინეტიც მაქ, შიგ კუშეტკა მიდგია და ლოგი-
ნიც მიგია, თუ ვინმე ცუდად გამოხდა, ნემსის გაკეთებაც შემიძლიან.
შიგადაშიგ ჩემ თავსაც ვმკურნალობ. ქარები კი ჩამიდგა, აღარ მა-
წუხებს, მაგრამ ის მიკვირს, ამ ჩემ საქმეში რომ სულ ზურგქარი
მიმაქროლებს წინ-წინა, ვისი წყალობაა.

ზოგჯერ მეუბნებიან, უზანო შამადთუშაშვილო, მაგდენი ბანა-
ობითა სულ გათეთრდებით! გარედან მართლა გავთეთრდი (თეთრი
ხალათითა და ქუდითა), შიგნითაც გავთეთრდებოდი, მაგრამ ეს ხე-
ლის ჭუჭყი ველარ მოვიშორე.

წინაწინს მინაწარი: 1978 წელს აბანოს შენობის საექსპლოატა-
ციოდ ვარგისიანობა შეამოწმა რესპუბლიკის სანეპიდსადგურმა და,
მისი დასკვნის საფუძვლებზე აბანო დახურა ქარელის სანეპიდსად-
გურმა, მაგრამ გაურკვეველია, ვიღამ დართო მისი ექსპლოატაც-
ის ნება მის დღევანდელ მფლობელს?

სამკურნალო აბანო ამჟამად ყოველგვარი კონტროლის, სანიტა-
რული წესებისა და ნორმების დაცვის გარეშე მუშაობს. სხვაზე უკეთ
ვის მოეხსენება, თუ არა ქარელელებს, რომ ამ ჯადოსნურ სამკურ-
ნალო წყალს პატრონიც შესაფერისი სჭირდება!

744
5.11.79
საქართველო
საგარეო ურთიერთობების
სამსახური

ქარზ მოსავალს კარგი სპეკულანტიც მოუხდებო, გაიფიქრა ზუგდიდის რაიონის მოსახლეობის საყოფაცხოვრებო მომსახურების სამმართველოს ავტომანქანის მძღოლმა გ. კ. გოძილაიძემ და ამა წლის 9 ოქტომბერს ავტომანქანა ვაზ-53 78-01-გავ დატვირთა 500 კგ მწარე და მწვანე მანდარინით, ეგონა, რესპუბლიკის გარეთ დატკბება და გაყვითლდებო, მაგრამ მანდარინი ჯერ კიდევ გალში გამწარდა.

მოლდავეთის რესპუბლიკის ავტომანქანა ვაზ-504 39-29-მაშჩ 11 ოქტომბერს გაგრამდევ ჩავიდა და თან 4280 კგ მანდარინი ჩაიტანა. აღნიშნული ავტომანქანის მძღოლი ვ. მ. ბერეგოვოვი ცდილობდა ქართული მანდარინით მოლდაველებს გამასპინძლებოდა, მაგრამ უთხრეს ნაადრევიაო.

ამავე დღეს უკრაინის რესპუბლიკის ავტომანქანა ვაზ-53, 12-92 უკო, მძღოლი კ. ე. მიხაილოვიჩი დააკავს. მას 910 კგ მანდარინი და ბრონეული აღმოაჩნდა.

25 ოქტომბერს თერჯოლის რაიონის სოფელ სიმონეთის საგუშაგოსთან შეაჩერეს ავტომანქანა მ-21, 48-74-ვაზ, მფლობელი ზ. ს. ვასაძე და ავტომანქანა ვაზ-2101, 51-98 ვაზ, მფლობელი შ. ა. გოგიტაძე. ერთს 190 კგ და მეორეს 120 კგ მანდარინი მიჰქონდათ „გზაში პირის გასასველებლად“.

მანდარინის გატან-გამოტანის ოსტატებს მეციტრუსებმა ასე შეუთვალეს. აცალეთ მანდარინს დამწიფება, გაგზავნ-გამოგზავნა თქვენზე უკეთ ჩვენ ვიცით!

ნიანგი

სამუშაო როგორიათი

ლერი ჩანტლაძე

(სრულდება დუდუქის თანხლებით)

ბინის მიღების, სიხარულით ცამდე ასულო, შენ, — მოედნებზე ხელოსანთა ძებნით გართულო! ჰე, ჩემო ქუჩავ, ჩემო სახლო, ჩემო ხართულო, რადიატორო — გასათბობად ჭერ არჩართულო!

ფიფქებად რომ დაბლა მოდის, — ეს ხომ ჭერია! პარკეტია, — მე რომ ხელში დამიჭერია! კედლებია, — გამოიცან, სად რა ფერია! კარი აღარ იკეტება? — არაფერია!

ფანჯარა თუ არ იღება, რა ბედენაა, ცხელი წყალის ონკანში თუ ცივის დენაა, კარ-ფანჯრიდან საკეტ-ლურსმნის უხვად ცვენა — წუნდებული პროდუქციის გამოფენა!

გასადები მოზრდილია, ხვრელი წვრილია! შუშაბანდში მინები სულ ჩაღწევილია! აბა, ეს რა ცემენტია? — მჭადის ფქვილია! მოაჭირიც მოუახყალე სიბრძნის კბილია!

ახალმოსახლევ, არას გარგებს უიმედობა! ზოგი მშენებლის სინდის-ნამუსს ვინდა ენდობა?! აშენე თვითონ, არემონტე, მათ კი შეუნდე, რადგან ვინც სცოდა, სწორედ იმას უნდა შენდობა!

განვიღო ათწლეულში დაგვიგობი იყო სულ ხუთი ექსპერიმენტული საცხოვრებელი სახლის მშენებლობა, რომელთაგან დადგენილ ვადაში ერთადერთი სახლი აშენდა. დანარჩენი სახლების მშენებლობას 7-8 წელიწადი მოუწდა! უფრო მეტიც, ერთი მათგანი, რომელიც სრიალა ყალიბით შენდებოდა, პირველი სართულის დონეზე დააკონსერვს.




— მომილოცავს ახალი ბინის მიღება!

სახსრები და მატერიალურ-ტექნიკური რესურსები კვლავ იქსაქსება მრავალ მშენებლობაზე, რასაც შედეგად მოსდევს მშენებლობისა და რეკონსტრუქციის ვადების გაჭინურება, დაუმთავრებელი მშენებლობების მოცულობის ზრდა.



— რატომაც მიტოვებულ, მოხსნის ამის კატრონი?!
— არა, კატრონმა მოხსნა რძინაც, აგურისა და ცემენტის!



ვაზ გ. ლომიძისა



— თქვენ დამიძახებთ, ბატონო დირექტორო?

— დიახ, პირიქე! დაბრძანდით, ერთ საკითხზე მინდა მოგესაუბროთ!

— გისმენთ, ბატონო დირექტორო!

— იცით, პირიქე, ამ ერთ თვეს ჩვენ მთელი რიგი ცდები ჩავატარეთ დაწესებულებაში, სპეციალური ხელსაწყოებისა და აპარატების დახმარებით?!

— დიახ, ვიცი ამის შესახებ.

— გამოთვლების შედეგად დავადგინეთ, რომ თანამშრომლები სამუშაო დროს უმეტეს ნაწილს პირად საქმეებზე ხარჯავენ და სამუშაო დიდად არ აინტერესებთ.

— რას ბრძანებთ?! ეს შეუძლებელია!

— სამწუხაროდ, სრული სიმართლე გახლავთ! აი, ხელთა მაქვს ცნობა იმის შესახებ, თუ როგორ ატარებთ თქვენ

დროს სამუშაო საათებში: რვა საათ სამუშაო დროიდან 7 პროცენტი ცენტრებისთვის მიდის, 11 პროცენტი ტელეფონით საუბარზე, 16 პროცენტი — ყავის დაღვევაზე, 20 პროცენტს თანამშრომლებთან მუსაიფს ანდომებთ, 18 პროცენტს — ტულეტს, 4 პროცენტს — უურნალ-გაზეთების კითხვას, რაც მთლიანად 76 პროცენტს შეადგენს.

— აქ რაღაც შეცდომაა! თქვენ მე საგონებელში ჩამაგდეთ, ბატონო დირექტორო!


— როგორ?

— ვერ გამისხენებია, რას ვაკეთებ დარჩენილ დროში, რომელიც თქვენი გამოთვლის მიხედვით მთელი სამუშაო დროის 24 პროცენტს შეადგენს?!

უნგრულიდან თარგმნა

ლილი მანისურაძე

ნახ. ედგარ ვალტარისა (ესტონეთი „პიკერი“.)



მთავარი რედაქტორის მოადგილე ჯაშრ გოლქვაძე საბავშვო აკადემია: ზ. აკვიავილი, ჯ. ლოლუა, ბ. ლოიბა, ნ. ვალაჯიანი (მხატვ. რედ.), ბ. ნიუნიანი, ბ. სინარულიძე (პ/ვ. მღიანი), ბ. შირსხალაძე, რ. ვალიძე ● ტექნიკური რედაქტორი მ. კახალაძე ● საბრძანებო და მუშაკის ურნალი „ნიანგი“ ● თბილისი რუსთაველის პროსპექტი № 42, ფიზიკური ნაბეჭდი ფურცელი 2, სადრისტხო-საგამომცემლო თაბაზი 1.7 ● საქართველოს კბ ცკ-ის გამომცემლობის სტამბა, თბილისი, ლენინის შეკვ. 2539, უკ. 06883, ტირ. 160.100. ● საქართველოს კბ ცკ-ის გამომცემლობის სტამბა, თბილისი, ლენინის შეკვ. 2539, უკ. 06883, ტირ. 160.100. ● ტიპოგრაფია Издательства ЦК КП Грузии, Тбилиси, ул. Ленина № 14. ● Издательство ЦК КП Грузии. ● Типография Издательства ЦК КП Грузии, Тбилиси, ул. Ленина № 14. ტელეფონები: 99-76-69, 93-19-42, 93-10-78, 93-49-32. რედაქციაში შემოსული მასალები ავტორებს არ უბრუნდება.

მხოლოდ თემების ავტორები: მ. აბაშიძე, მ. ცალაძე, ნ. იოსებოძო, ჯ. ლოლუა, ნ. მაღაზონია, ა. ასეიანი, ელი.